

Sr. Carl Giel di Departamento di Labor:

Si declaracionnan di e hobennan ta cuadra cu realidad permisonan di RIU por wordo para

STA. CRUZ — Den un entrevista sr. Giel a declara cu prome cu bo trece un stranhero di afor, bo mester haci un esfuerzo riba mercado laboral pa waak si bo por haya un persona local pa haci e trabao specifico, pa bay Departamento di Labor pa asina cubri e vacatura.

Publicacionnan lo sali den corant di tur trabao cu tin disponibel na Job center y na unda cu esnan cu bin aplica p'e, Directie Arbeid ta manda un carta pa e compania, cu bo ta na caminda pa e trabao cu bo a solicitá p'e.

Si e compania si pa un otro motibo ta haya cu bo no ta capacita y no ta e persona cu nan ta busca, nan como compania mester duna un splicacion ta pakico no ta kere cu bo no ta capacita pa e posicion cu bo a solicita.

Asina cu Departamento di Labor haya e carta, e departamento ta bay evalua si loke e compania a pone den e carta ta cuadra cu berdad y tambe lo bay waak tur informacion di e aplicante. Lo bay waak su school, cursonan cu el'a sigui y e experiencianan cu e tin y a base di esey lo bay compara e decision cu e compania a manda sea cu e no ta e persona cu e compania ta busca of cu si e persona ta cuadra di loke cu e compania ta busca.

Si acaso e persona ta e persona cu tin tur capacidat cu e compania ta busca y cu

e no ta tuma e persona cu e capacidat cu ta biba aki na Aruba, e compania no por busca ningun hende di afor. Pa loke ta trata Hotel RIU na Departamento di Labor nan tin diferente vacatura habri y na su lugar Departamento di Labor a manda hopi hende pa nan y e Hotel RIU a tuma cierto hendenan so pa traha cu nan y te ainda ta wardando un splicacion di e Hotel RIU kico ta e problema. E diferencia di e hendenan cu nan no a tuma RIU a haya permiso pa busca 108 hende cu a haya aprobacion y na unda cu Departamento di Labor a controla si ta berdad cu nan ta bin pa e posicionnan pa cual nan no a logra haya hende pa nan.

E 108 hende aki ta di transfer cu ta traha na RIU Plata y tambe cu punta cana y esey ta inclui e hefenan cu a haya permiso caba di antemano for di gobierno pa nan por bin Aruba. E 108 personanan aki lo ta e uniconan cu lo bay bin tambe pa Hotel RIU pasobra Departamento di Labor no lo bay duna mas aprobacion pasobra Departamento di Labor a manda 513 aplicante riba diferente funcion caba. RIU a manda un lista na Departamento di Labor hopi extenso cu ta consisti di mas of menos 300 hende cu ta diferente hende di diferente otro compania. Tambe Departamento di Labor a duna ok na e 108 hende



aki debi cu segun RIU nan kier bin cu e hendenan di e diferente 2 RIU nan pa asina nan bin train e personanan local den e maneho di RIU pa asina guianan con nan ta maneha e Hotel. E 108 hendenan aki lo bin Aruba pa train e Arubianonan y despues nan ta bay. Hopi ta e kehonan cu ta bini for di afor pero sin embargo Departamento di Labor no a haya ningun keho oficial cu nan a wordo kita for di trabao ni tampoco cu nan a wordo maltrata na trabao. Departamento di Labor ta haci un yamada na tur esnan cu tin un keho pa pasa libremente na Departamento di 'conflicto y retiro' y libremente por bin entrega keho. Pero sin embargo sr. Carl Giel di Departamento di Labor a trece padilanti cu si resulta cu loke a sali den e matutino Diario ta cuadra cu e realidad: e permisonan cu a wordo duna por wordo blokea ainda.

Si Hotel RIU no ta comportando su mes bon, kico e por haci y kico no por haci, lo por bay tin efectonan riba e futuro permisonan cu e ta bay pidiendo aki y cu no a sali ainda. Pa loke ta trata trato di doñonan di trabao, bo mester trata bo empleadonan bon den diferente direccion; con bo ta papia cu hende si bo ta scuch'e etc. Lo bo no por bay trata un hende manera un animal; e ta un

persona cu sentimento y bo mester lag'e traha e trabao cu fisicamente e ta cuadra cu e funcion cu e ta den. Departamento di Labor si ta na altura cu tin hende cu funcion halto den RIU cu ta ofende den un sentido di maltrata nos hendenan Arubano mentalmente cu ofensanan cual ta algo cu no ta permitibel tampoco pero sin embargo e personanan cu ta pasando den un situacion asina mester bin duna un keho oficial pa pasonan wordo tuma.

Hasta e personanan cu un posicion clave cu a wordo apunta door di ministerraad, si tin keho contra nan, Departamento di Labor lo traha un rapport y lo mande DIMAS y conseha DIMAS

cu e persona aki no ta trata e trahadornan como un bon doño di trabao; e siguiente permisonan cu e compania pidi p'e, por wordo nenga. Pasobra si e ta traha den un funcion cu e tin un autoridad y e ta abusa di e autoridad, cu e tin den e funcion ey, e siguiente permiso por wordo nenga y e compania ta haya su mes cu e tin cu trece un otro na su lugar. Segun sr. Carl Giel di Departamento di Labor ningun hende no por ofende un hende cu palabra manera e hobennan a bisa cu e sr. a bisanan cu "ningun hende no por hacimi nada pasobra mi ta haci loke cu mi kier". Cu e actitud ey si e sra. kier, e hacj'e na Spaña of for di unda cu e ta a bin, pero no aki na Aruba cu nos Arubianonan.



Anly Printing N.V.

Nos tin

Uniform di Scolnan

den stock

Mihor Calidad y mihor Prijs.

Schotlandstraat 18.

Tel 5836732.

